

Na osnovu člana 8. stav (2) Zakona o obrtu i srodnim djelatnostima ("Službene novine Federacije BiH", broj 35/09), Vlada Federacije Bosne i Hercegovine, na 118. sjednici održanoj 25. septembra 2009. godine, a na prijedlog federalnog ministra razvija, poduzetništva i obrta, uz prethodno pribavljano mišljenje jedinica lokalne samouprave, donosi

U R E D B U

O ZAŠTITI TRADICIONALNIH I STARIH OBRTA

Član 1. (Sadržaj)

Ovom Uredbom propisuje se popis tradicionalnih i starih obrta po vrstama, stepen i vrsta stručne spreme potrebne za njihovo obavljanje.

Član 2. (Popis tradicionalnih i starih obrta)

Popis tradicionalnih i starih obrta po vrstama koji se mogu obavljati na osnovu stručne spreme ili majstorskog ispita dat je u prilogu ove Uredbe i njezin je sastavni dio.

Član 3. (Stručna sprema za obavljanje tradicionalnih i starih obrta)

(1) Obrazovanje za obavljanje tradicionalnih i starih obrta za koje se traži odgovarajuća školska sprema, u skladu sa Članom 55. Zakona o obrtu i srodnim djelatnostima (u daljem tekstu: zakon) vrši se u osnovnim i odgovarajućim srednjim školama.

(2) Za tradicionalne i stare obrte za koje je majstorski ispit propisan kao daljnja kvalifikacija, isti se, u skladu sa čl. 56. i 57. zakona, polaže pred komisijom koju osniva srednja stručna škola koja je verificirana za te poslove u skladu sa važećim propisima iz oblasti odgoja i obrazovanja, u saradnji sa obrtničkom komorom kantona.

(3) Izuzetno, obrtnici kojima je odobrenje za obavljanje tradicionalnih i starih obrta izdato do dana stupanja na snagu zakona, mogu nastaviti sa obavljanjem obrta iako ne ispunjavaju potreban uslov stručne spreme.

(4) Obrtnicima koji su majstorski ispit položili po propisima koji su važili do dana početka primjene zakona isti se priznaje u cijelosti.

Član 4. (Prestanak važeće Uredbe)

Stupanjem na snagu ove Uredbe prestaje da važi Uredba o zaštiti tradicionalnih i starih zanata ("Službene novine Federacije BiH", br. 62/05).

Član 5.
(Stupanje na snagu Uredbe)

Ova Uredba stupa na snagu osam dana od dana objavljivanja u "Službenim novinama Federacije BiH".

V broj 722/09
25. septembra 2009. godine
Sarajevo

Premijer
Mustafa Mujezinović, s. r.